

և ընդ իշխանութեամբ Պատրիարքի նոցին: Եւ ՚ի ծանուցանել նորա զինդիրն Արքային Մէհէմմետայ. հրամայեաց նա անխախտ սրահել զսահմանս նախնեաց իւրոց, և արգելուլ զհակառակութիւնս Յոյն Պատրիարքին. մանաւանդ զի յառաջագոյն ՚ի դատին ՚ի թաղաւորեալ քաղաքին ընդ Յոյնս. Հայք օրինօք հաստատեալ էին զերիս ազգսն հետեւակ ինքեանց ըստ զօրութեան դաշնագրոյն Օմարայ: Եւ վասն այսր գրեցաւ հրովարտակ և տուաւ Եղիազարու. յաջողեցաւ առնուլ միւս եւս զայլ հրովարտակ, յորում գրեթէ բառ առ բառ գաղափարեալ էին բանք հրովարտակի Արքային Սէլիմայ: Այսոքիկ երկօքին հրովարտակք ընդդէմ Յունաց, գրեալ ՚ի մի և նոյն թուականի. այն է ՚ի վերջ Զիլգատէ ամսոյ, 1077 (1656): Եւ զկնի երից աւուրցէառ նաեւ զերրորդ հրովարտակ՝ և հոգացեալ զամենայն ինչ, ել ՚ի թաղաւորեալ քաղաքէ անտի և եկն յԵրուսաղէմ. եւ մատուցեալ աս դատաւորն խնդրեաց ՚ի նմանէ զգործադրութիւնս նոցին: Կազմեցաւ ժողով մեծ յերեւելեաց քաղաքին, ուր էր և Բղեշխն Իսրահայիմ Պէյ. ընթերցան հրովարտակքն և արձանագրեցան ՚ի դատարանի:

Այսպէս համառօտին իմաստք նոցին: « Հայք որք բնակին յԵրուսաղէմ, ունին ՚ի ձեռս իւրեանց զեկեղեցիս, և զտեփհական տեղիս ՚ի տաճարին Ս. Յարութեան. կանթեղս և աշտանակս, և զջրհորն մեծ, և Թափօր ՚ի հանդիսի Լուսափառութեան և յայլ աւուրս. եւ վանքն Ս. Յակոբայ, օւր բնակին Պատրիարքունք և միարանք նոցին. Ս. Հրեշտակապետ եւ Ս. Փրկիչ, զերեզմանն Ս. Սատուածածնի, եւ զայլ ուխտատեղիս արտաքոյ քաղաքին Երուսաղէմի. եկեղեցին Բեթղեհէմի, և հիւսիսային դուռն այրին Մենդեան, և բանալի նորին. կանթեղք աշտանակք եւ պաշտամունք նոցին ըստ օրինաց իւրեանց, և բովանդակ վանք նոցա անդ. ունին նաեւ զայդիս պարտէզս և զգերեզմանատունս: Եւ զհետեւեոյ զերիս ազգս. Գալթիք, Հապէշք և Ասորիք. ըստ դաշնագրոյն Օմարայ եւ Սալահատտինի, եւ հրովարտակաց Սուլթանացն Սէլիմայ և Սիւլէյմանայ տուեալ ՚ի ձեռս նոցա:

Իսկ Պատրիարքն Յունաց առեալ է ՚ի ձեռաց Հայոց զբանալի հիւսիսային դրան այրին Մենդեան զրկեալ զնոսս